

## Ахборот хизмати: ЎШЛИК ШОИР-ЁЗУВЧИЛАР - ФАРГОНАДА

Муҳтарам Президентимиз Шавкат Мирмонович Мирзиёевнинг ташаббуси билан бугунги кунда қўшни давлатлар билан йўлга қўйилган дўстлик алоқаларимиз тобора мустаҳкамланиб бормоқда.Faқатгина савдо-иктиносидий эмас, балки ижтимоий-гуманитар соҳаларда ҳам ўзаро ҳамкорлик уфқлари кенгаймоқда. Буни яқиндагина Фарғона вилоятида бўлиб ўтган Халқаро ёшлар фестивали мисолида ҳам кўриш мумкин. Маданий-адабий соҳалардаги ҳамкорлик халқларимиз ўртасида жуда қадимдан мавжуд бўлган, бугунги кунда ҳам ушбу қадимиий ришталар бардавомдир.

Куни кеча қадимиий Ўш шаҳрининг ёзувчи-шоирлари Фарғонамизнинг азиз меҳмони бўлдилар. Вилоятнинг турли муассасаларида Қирғизистон Республикаси Ёзувчилар уюшмаси Ўш вилояти бўлими раиси, Қирғизистон Халқ шоири Туроб Жўраев, Қирғизистон Халқ ёзувчиси, Чингиз Айтматов номидаги Олтин Юлдуз мукофоти лауреати, Ёзувчилар уюшмаси масъул котиби Охун Жўра, “Ўш садоси” газетаси бош муҳаррири, Қирғизистон хотин-қизлар кенгаши раисининг Ўш вилоятидаги ўринбосари Соҳиба Шокировалар билан ижодий учрашувлар бўлиб ўтди.

Дастлабки учрашув Фарғу профессори, Ўзбекистон Ёзувчилари уюшмаси аъзоси Сиддик Мўмин ташаббуси билан Фарғона давлат университети талабалари билан бўлиб ўтди. Бу ерда шоирлар ижодидан баҳраманд бўлган талабаларнинг ҳам илҳоми жўшиб, ўз ижод намуналаридан ўқиб бердилар ва меҳмонларга эзгу тилакларини билдирилар. Мушоирдан сўнг талабалар билан меҳмонлар ўтасида самимий мулоқот кечди. Улар ўзларини қизиқтирган саволларига муносиб жавобларни олдилар.

Кейинги учрашув Фарғона солиқ колледжида бўлиб ўтди. Учрашувни ташкиллашда коллеж кутубхонаси мудири Ҳакимахон Қўшматованинг саъй-ҳаракати катта бўлди. Бу ерда ҳар икки тилда – ўзбек ва қирғиз тилларида меҳмонлар томонидан ўқилган шеърлар жуда қизғин кутиб олинди. Ижодий ва эркин мулоқот коллеж талабаларини жуда руҳлантириди.

“Ўш садоси” газетаси бош муҳаррири Соҳиба Шокирова Фарғона вилояти ҳокимлиги муассислигидаги “Ферганская правда” ҳамда “Фарғона ҳақиқати” газеталари таҳририятларида ҳам бўлиб, таҳририятфаолияти билан танишдилар. Бош муҳаррирлар Гулбаҳор Сайдғаниева ва Аҳмадали Тешабоев билан доимий ҳамкорлик борасида меморандум имзоладилар.

Куннинг иккинчи ярмида қирғизистонлик дўстларимиз билан Марғilon шаҳридаги “Ижодкорлар боғи”га ташриф буюрдик. Бу ерда уларни Ёзувчилар уюшмаси Фарғона вилояти бўлими раиси, Ўзбекистон Олий Мажлис сенати аъзоси, Ўзбекистон Халқ шоири Энахон Сиддиқова уюшма ходимлари билан биргаликда кутиб олди. Меҳмонлар Эркин Воҳидов номидаги боғ манзарасида шоир ҳайкали пойига гул қўйдилар, шоирнинг музейини томоша қилдилар. Шундан сўнг Ёзувчилар уюшмаси биноси билан танишдилар. Айниқса, боғда жойлашган “Ижод мактаби” меҳмонларда катта таассурот қолдирди. Ўзбек ва қирғиз тилларида шеърлар айтиб тантанали кутиб олган иқтидорли ўқувчилар, мактаб жамоаси меҳмонларга ўқувчилар тайёрлаган адабий композицияни намойиш қилдилар. Бу ерда ҳам шеърхонлик давом этди.

Фарғона вилоятидаги бир кунлик адабий учрашувлар икки ҳалқ ўртасидаги дўстлик кўпригини мустаҳкамлади, кечга томон Қирғизистонлик дўстлар олам-олам таассуротлар билан “Дўстлик” чегара пости томон жўнаб кетишиди.

2019-04-13 14:49:26